



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Symbola Trinitatis, Id Est Trinitatis diversarum rerum, ex  
Veteris ac Novi Testamenti Scripturis, Historijs &  
exemplis; nec non congruentioribus rerum naturalium  
similitudinibus conscripta ...**

**Duplan, Theodore**

**Ruraemundae, 1663**

Congratulatio Metrica Ad Admodum Reverendum, Doctissimumque  
Dominum, in Christo Patrem, P. Theodorum Reineri du Blan, Sacri ac  
Canonici Ord. Sanctae Crucis in Domo Mosecensi Priorem, ac Scholarum ...

**urn:nbn:de:hbz:466:1-12221**

CONGRATULATIO  
METRICA

Ad Admodum Reverendum, Doctissi-  
mumque Dominum, in Christo  
Patrem,

P. THEODORUM  
REINERI du BLAN,

*Sacri ac Canonici Ord. Sanctæ Crucis in Domo Mosicensis  
Priorem, ac Scholarum Præfectum.*



Edula sicut apis quæ symbola colligis, atque  
In cellâ triplici sub statione locas;  
E pratis decerpta sacris, Divûmque libellis,  
Nec non naturæ fontibus hausta bibo.  
Gratulor obscurum Triadis clarescere Numen,  
Cujus in immensum condita cuncta decus.  
Sunt pia, sollerti sunt concinnata labore,  
In Triadem motus elicitura pios.  
Illa tot obstupeo latuisse Emblemata sæclis,  
Scilicet hæc uni debita laurus erat.  
Hæc ubi succincti in benè tersa Celeusmata legi  
Visa tua in priscam versa Camena Chelym.

In modicis monstrat (sint cætera grossa) tabellis  
Protogenes artem; noscitur ungue Leo.  
Indolis est vestræ sat nota modestia cunctis:  
Nam benè qui latuit, sat benè vixit, ais.  
Nec puto vidissent unquam tua carmina lucem,  
Crebriùs hortatu ni stimolata meo.  
Fortè verecundo monstrares Zoile vati,  
Quos acuis dentes invidiose tuos.  
Quæ suprema Trias fixit vestigia rebus,  
Non novat, at paucis explicat illa metris.  
Si quid inest culpæ fulvi fossoribus auri,  
Naturæ occultas quive recludit opes:  
Est potius laudi dandum diffundere laudes,  
Est Tripotentis opus, pandere mentis opes.  
I licet unde voles hanc impete Zoile navim,  
In nullâ vatem lædere parte vales.  
Unius in Triadis tua tela vibraveris arcem,  
Allatrare Deum te Sycophanta putes.

*Canebat F. A. HERTZWORMS  
Canonici Ord. S. Crucis Religiosus.*

D

In